

mainatges d'òc **PLUMALHON**

**Los òrts
sus l'aiga**



N° d'estiu !!!

**+ de jòcs,
+ de reportatges**



Per las savanas d’Africa, ven un arbre ondrat de bòlas estranhas. Aquelas bòlas son los nises dels teisseires.

Los teisseires

Aqueles aucèls fan entre onze e vint centimètres de longor. Se’n tròba per las savanas o dins las forèstes fins a tres mila mètres d’altitud.

Lor particularitat es de saber téisser los vegetals per far lo nis. Son los mascles qu’entreprenon de téisser a l’epòca de la reproduccion. I passan de jorns e de jorns.

Per aquò far, retalhan de longarinadas dins de fuèlhas de bananièr, de palmièr o se sèrvon d’èrbas longas. Las trenan coma o fariá un teisseire amb son fial. Cal que lo nis siá polit. Aital, lo mascle poirà far venir una femèla que vendrà pondre e coar.



D’en primièr, lo mascle cèrca una branca forcuda. Comença de i acrancar doas longarinadas de fuèlha o d’èrbas pro fòrtas e pro soplas. Las liga en fasent un anèl que li servirà per trenar la seguida.

Mas i a competicion entre los mascles. Arriba sovent de ne veire un que pana las fuèlhas d’un autre o que li desfar lo nis del temps qu’es partit cercar de material.

Los teisseires son d’aucèls colorats, los mascles sustot. Arriba que viscan en colonias d’un centenats de cobles.



Los aucèls que las teisson son d’artistas !



Pòdon causir un arbre pel mièg d’una vila coma d’un vilatge.

La femèla pond de dos a quatre uòus. Quand los pichons espelisson, lo paire los noirà tan plan coma la maire.

